

ხელშეკრულება № 651
სახელმწიფო შესყიდვის შესახებ
(ელექტრონული ტენდერი SPA170012955)

ქ. რუსთავი

24 ივნისი 2017 წელი

სსიპ - საქართველოს შსს მომსახურების სააგენტო (მის: თბილისი-წითელი ხიდის გზატკეცილის 21-ე კმ, საბანკო რეკვიზიტები: სახელმწიფო ბაზინა, კოდი - TRESGE22, საიდ. კოდი - 205190513), შემდგომში წოდებული „შემსყიდველად“, წარმოდგენილი სააგენტოს ეკონომიკური და ლოჯისტიკის ბიუროს (მთავარი სამმართველო) უფროსის ზურაბ ჭელიძის სახით და

მიმწოდებელი: შპს „სოფთმასტერი“, ს/კ - 204436994 ;

მისამართი: ქ. თბილისი, ი. ჯავახიშვილის ქ. №100. ტელ.: +995 5 99 92 22 40;

დირექტორი: მიხეილ კვეტენაძე;

საბანკო რეკვიზიტები: სს „თბილისი ბანკი“ ბ/კ: TBCBGE22; ა/ა: GE77 TB11 0000 0110 4672 60

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას შემდეგ თანხაზე: 129 640,00 (ას ოცდაცხრა ათას ექვსას ორმოცი და 00) ლარი, (შემდგომში „ხელშეკრულების ფასი“). კლასიფიკატორის კოდი: CPV-22521000 მარკირების (მობილური) აპარატის შესყიდვა:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") -შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;

1.1.4. "მიმწოდებელი" ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.6. „ტექნიკური დოკუმენტაცია“ - მიმწოდებლის მიერ SPA170012955 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

1.2. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

2. ხელშეკრულების თანმდევი დოკუმენტები :

2.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

ა) მარკირების (მობილური) აპარატის ტექნიკური სპეციფიკაცია და ფასების ცხრილი (იხ. დანართი N1);

ბ) SPA170012955 ელექტრონულ ტენდერში მიმწოდებლის მიერ სატენდერო წინადადებით წარმოდგენილი ტექნიკური დოკუმენტაცია;

3. ხელშეკრულების არსებითი პირობები

- 3.1. მიმწოდებელი იღებს ვალდებულებას მიაწოდოს შემყიდველს წინამდებარე ხელშეკრულებით განსაზღვრული შესყიდვის ობიექტი დანართი N1-ით განსაზღვრულ ვადებში და ადგილზე.
- 3.2. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

4. ხელშეკრულების მოქმედების ვადა

- 4.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის 31 მარტის ჩათვლით.

5. საქონლის მიწოდების პირობები

- 5.1. მიმწოდებელი ვალდებულია შესყიდვის ობიექტის მიწოდება განახორციელოს, მოქმედი ყველა საჭირო ნორმების, სტანდარტებისა და წესების მოთხოვნების დაცვით, დანართი N1-ით განსაზღვრული ვადების შესაბამისად.

6. შეფუთვა

- 6.1. მიმწოდებელმა უნდა უზრუნველყოს საქონლის ადექვატური შეფუთვა, რომელიც დაიცავს მას დაზიანების ან გაფუჭებისაგან დანართი N1-ში მითითებული დანიშნულების ადგილამდე ტრანსპორტირების პროცესში.
- 6.2. შეფუთვის სახეობა, თითოეული ფუთი გაბარიტი და წონა უნდა შეესაბამებოდეს დადგენილ სტანდარტებს.

7. გარანტია და წუნდებული საქონლი

- 7.1. მიმწოდებელი მიწოდებული შესყიდვის ობიექტის ხარისხზე მიწოდების დასრულებიდან იძლევა გარანტიას დანართი N1-ს შესაბამისად.
- 7.2. შესყიდვის ობიექტის საგარანტიო ვადა უნდა შეადგენდეს შესაბამისი მიღება-ჩაბარების აქტის გაფორმებიდან 2 (ორი) წელს; წუნის შემთხვევაში აპარატის შეცვლა უნდა მოხდეს 15 (თხუთმეტი) სამუშაო დღის განმავლობაში, ხოლო შეკეთება დაუყოვნებლივ, არა უმეტეს 5 (ხუთი) სამუშაო დღის ვადაში, შემსყიდველის მხრიდან დამატებითი დანახარჯების გაწევის გარეშე;
- 7.3. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

8. ხელშეკრულების შესრულების კონტროლი

- 8.1. ხელშეკრულების შესრულების კონტროლს განახორციელებს შს სამინისტროს მომსახურების სააგენტოს შესაბამისი უფლებამოსილი პირ(ებ)ი (ინსპექტირების ჯგუფი).
- 8.2. ინსპექტირების ჯგუფი საქონლის მიწოდების ინსპექტირებას ახდენს სისტემატიურად, საკუთარი შეხედულებისამებრ.
- 8.3. კონტროლი ხორციელდება როგორც შუალედური ფორმით-საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.
- 8.4. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი საექსპერტო კვლევა.
- 8.5. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

9. შესყიდვის ობიექტის მიღება-ჩაბარების წესი

- 9.1. მისაწოდებელი საქონელი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. საქონლის გადაცემა ხდება მიღება-ჩაბარების აქტის საფუძველზე, მიწოდების ადგილის მიხედვით.

9.2. ამ ხელშეკრულების მიზნებისათვის მიწოდებად არ ითვლება წუნდებული ან ხელშეკრულებით გათვალისწინებულ მოთხოვნებთან შეუსაბამო საქონლის წარმოდგენა. ასეთ შემთხვევაში აღნიშნულზე მიღება-ჩაბრების აქტი არ ფორმდება.

9.3. მიღება-ჩაბარებას ახორციელებს შს სამინისტროს მომსახურების სააგენტოს სათანადოდ უფლებამოსილი პირ(ებ)ი.

9.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

10. ანგარიშსწორება

10.1. შემსყიდველი ვალდებულია აანაზღაუროს მიწოდებული საქონლის ღირებულება ხელშეკრულებით გათვალისწინებულ ვადაში და პირობებით.

10.2. ანგარიშსწორების ფორმა იქნება უნაღდო.

10.3. ანგარიშსწორება მოხდება ლარებში;

10.4. ანგარიშსწორება შემსყიდველის მიერ მოხდება ეტაპობრივად, ფაქტობრივად მიწოდებული საქონლის მიხედვით. საბოლოო მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 10 (ათი) სამუშაო დღის ვადაში;

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისი N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა გათვალისწინებით.

11.4. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.5. ხელშეკრულების ღირებულების შემცირება დასაშვებია ფაქტობრივად მიწოდებული საქონლის ღირებულების გათვალისწინებით.

11.6. იმ შემთხვევაში, თუ აუცილებელი გახდება ხელშეკრულებით გათვალისწინებული საქონლის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მიწოდებული საქონლის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

11.7. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

12. ხელშეკრულების პირობების შეუსრულებლობა

12.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

12.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

12.3. თუ მიმწოდებელი ხელშეკრულებით გათვალისწინებული საქონლის მიწოდების პირობებს ვერ შეასრულებს (შესრულების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) შეწყვეტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 10%-ის ოდენობით ან

ბ) ხელშეკრულების დანართ N1-ით განსაზღვრული საქონლის მიწოდების ვადების გადაცილების ან 7.2 პუნქტით განსაზღვრული პირობების დარღვევის შემთხვევაში, მიმწოდებელს ყოველ გადაგადაცილებულ დღეზე დააკისროს პირგასამტეხლო ხელშეკრულების ჯამური ღირებულების 0,2 %-ის ოდენობით (ვაჭრობის შედეგად, სახელშეკრულებო ღირებულების შემცირების შემთხვევაში შემსყიდველი იტოვებს უფლებას გადახედოს პირგასამტეხლოს ოდენობას, შემცირების კუთხით).

12.4. თუ კი ხელშეკრულების 12.3. „ბ“ პუნქტით გათვალისწინებული დამატებითი ვადის ფარგლებში პირგასამტეხლოს ოდენობა მიაღწევს ხელშეკრულების საერთო ღირებულების 5% და იგი ვერ განახორციელებს საქონლის სრულად მოწოდებას, და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი წყვეტს წინამდებარე ხელშეკრულებას და მიმწოდებელი ხელშეკრულების არაჯეროვანი შესრულებისათვის დააჯარიმდება ხელშეკრულების საერთო თანხის 10%-ის ოდენობით.

12.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

12.6. ამ მუხლის 12.5. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

12.7. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

15. სხვა დებულებები

15.1. ხელშეკრულება შედგენილია ქართულ ენაზე სამი თანაბარი იურიდიული ძალის მქონე ეგზემპლარად. ხელშეკრულება ძალაში შედის ხელმოწერისთანავე.

16. მხარეთა რეკვიზიტები:

შემსყიდველი

სსიპ - შსს მომსახურების სააგენტო,
მის: ქ. რუსთავი, თბილისი-წითელი ხიდის
გზატკეცილის 21-ე კმ,
საბანკო რეკვიზიტები:
სახ. ხაზინა, კოდი - TRESGE22,
საიდ. კოდი - 205190513

სააგენტოს ეკონომიკური და ლოჯისტიკის
ბიუროს (მთავარი სამმართველოს)
უფროსი



მიმწოდებელი

შპს „სოფტმასტერი“
ს.კ. 204436994
ქ. თბილისი, ი. ჯავახიშვილის ქ. №100
საბანკო რეკვიზიტები:
სს „თიბისი ბანკი“ ზ/კ: TBCBGE22;
ა/ა: GE77 TB11 0000 0110 4672 60

შპს „სოფტმასტერი“-ს
დირექტორი

მიხეილ კვეტენაძე



N	საქონლის დასახელება, ტექნიკური მახასიათებლები	CPV	განზ. ერთ.	რაოდენობა	ერთეულის ღირებულება (ლარი)	საერთო ღირებულება (ლარი)	საგარანტიო ვადა	მიწოდების ვადა	მიწოდების ადგილი
1	მარკირების (მობილური) აპარატი Fly Marker PRO Mobile Akku120x25mm/ MARKATOR® Manfred Borries GmbH /გერმანია ტექნიკური მონაცემები : შექანიკური, ნეშით დარტყმით მარკირების მობილური აპარატი; - მარკირების შეთოდი ელექტრომაგნიტური კოჭის განტვირთვა; - მარკირების არეალით 120°258მ; - წონა 1 აკუმულატორით 4.20 კგ.; - სიმზოლოვების ზომა 1-24.98მ მდგ.; - ჩატვირთული ფონტები: DIN1451 ზომით 5*7 ან 9*13მ; - არსებული სიმზოლოვები: ციფრები 0-9, დიდი ასოები: AZ, პატარა ასოები: a-z; სხვადასხვა სიმზოლოვები: ., /, _ და ა.შ.; - ინტერფეისი: USB-A, USB-B, eThernet; - სიმზოლოვების კომპენსაცია 58მ, რაც საშუალებას იძლევა მარკირება მოხდეს უსწორმასწორო ზედაპირებზე; - ბილური ამბრავების რეზოლუცია: 0.58მ; - კომპლექტაციაში: ხელმისაწიდი დამჭეები დილაკით, პოზიციონირების დეფა სრიალის საწინააღმდეგო დანაფართო, მარკირების წემა 90 გრადუსიანი დახრითა და 0.18მ რადიუსით 1 ცალი, 2 ცალი ხელსაწყო, კლავიატურა USB პორტით, დამატებითი სიმზოლოვების კატალოგი: Cyrillic; 1 ცალი ჩატვირთული ლოგო, პროგრამული უზრუნველყოფის პაკეტი "პროფესიონალი" სადაც შედის: პაკეტი - KOMFORT (B), DMC (F), PC Software XL COntrOl (R), LOGO incl. CE-Logo (K); 1 ცალი დამატებითი ლითიუმ იონის ბატარია, კვების პოლოკი, მყარი დამცავი ჩასადები კონტინერი. გამოყენების ინსტრუქცია. (დამატებითი ოფიცის სახით - თავსებადი უნდა იყოს ბარ კოდის წამკითხველიდან საჭიროების შემთხვევაში).	22521000	ცალი	4	32410.00	129640.00	შესყიდვის ობიექტის მიღება-ჩაბარების აქტის გაფორმებიდან 2 (ორი) წელი;	ხელშეკრულების გაფორმებიდან 10 სამუშაო დღე	თბილისი-წითელი ხიდის გზატკეცილის 21-ე კმ.
სულ ჯამი: 129640.00 (დღგ-ს ჩათვლით)						129640.00			

შემსყიდველი:

სსიპ - საქ. შსს მომსახურების სააგენტო ,
მის: ქ. რუსთავი, თბილისი-წითელი ხიდის
გზატკეცილის 21-ე კმ,
საბანკო რეკვიზიტები:
სახ. ხაზინა, კოდი - TRESGE22,
საიდ. კოდი - 205190513

სააგენტოს ეკონომიკური და ლოჯისტიკის
ბიუროს უფროსი

ზურაბ ჭელიძე

მიმწოდებელი:

შპს „სოფტმასტერი“
ს.კ. 204436994
ქ. თბილისი, ი. ჯავახიშვილის ქ. №100
საბანკო რეკვიზიტები:
სს „თიბისი ბანკი“ ბ/კ: TBCBGE22;
ა/ა: GE77 TB11 0000 0110 4672 60

შპს „სოფტმასტერი“-ს
დირექტორი

მიხეილ კვეტენაძე

